

1. The first of these is the

2. second, which is the

3. third, which is the

4. fourth, which is the

5. fifth, which is the

6. sixth, which is the

7. seventh, which is the

8. eighth, which is the

9. ninth, which is the

10. tenth, which is the

11. eleventh, which is the

12. twelfth, which is the

13. thirteenth, which is the

14. fourteenth, which is the

15. fifteenth, which is the

16. sixteenth, which is the

17. seventeenth, which is the

18. eighteenth, which is the

19. nineteenth, which is the

20. twentieth, which is the

21. twenty-first, which is the

22. twenty-second, which is the

23. twenty-third, which is the

24. twenty-fourth, which is the

25. twenty-fifth, which is the

26. twenty-sixth, which is the

27. twenty-seventh, which is the

28. twenty-eighth, which is the

29. twenty-ninth, which is the

30. thirtieth, which is the

Syllabus Orationes

1 ^a Joannis Baptiz Andriani ad Urbanus VII	1603.	1.
2 ^a Thomz Anconelli ad Innoc: X.	1605	2.
3 ^a Gabrielis Beati ad Urbanus VIII	1607.	3.
4 ^a Ludovici Bonplani ad Urbanus VIII	1611.	4.
5 ^a Caroli Bouy ad Innoc. X.	1651.	5.
6 ^a Francisci Bruij ad Urbanus VIII	1633.	6.
7^a Francisci Bruij ad Urbanus VIII	1633.	7.
8 ^a Odhoris de Comitibus ad Urbanus VIII	1602.	8. 7.
9 ^a Caroli Francisci DeLuca ad Innoc. X.	1640.	9. 8.
10 ^a Joannis Pauli Ternary ad Urbanus VIII	1638.	10. 9.
11 ^a Joannis Baptiz Ternary ad Urbanus VIII	1623.	11. 10.
12 ^a Tarquing Gallus ad Urbanus VIII	1628.	12. 11.
13 ^a Joannis Baptiz Giardini ad Urbanus VIII	1637.	13. 12.
14 ^a Moraty Natty. ad Urbanus VIII	1631.	14. 13.
15 ^a Vincenty Guinity ad Urbanus VIII	1624.	15. 14.
16 ^a Jacobi Lampugnani ad Urbanus VIII	1634.	16. 15.
17 ^a Allex. Moroni. ad Urbanus VIII	1639.	17. 16.
18 ^a Josephi Mariz Regueseny. ad Innocentius X.	1648.	18. 17.
19 ^a Hieronymi Sanguinari. ad Urbanus VIII	1639.	19. 18.
20 ^a Fabij Ambrosij Spinulez. ad Urbanus VIII	1626.	20. 19.
21 ^a Ferdinandi Ximenes. ad Innoc. X.	1647.	21. 20.

22. 23. 24. 25. 26. 31. 32. 33. 34. 35. 37. 38. 39. 42. 43. 44. 45. 47. 48.

(Separatamente.) 1595 2^a Ed^o. 1612. 1627. 1633 col^o 43
 la 4^a riga del frontispizio sbagliata. 1637 collo
 stemma nel frontispizio malamente colloca
 to. 1641.

Nè altre ne esistono nella Biblioteca del Coll.

1595. 247621. 12

DE CHRISTI MORTE.

O R A T I O

P. IO: FRANCISCI CARETTONII
Romani, & Societate IESV.

*Habita in Sacello Pontificio, die Parasceues.
Anno M. D. XCV.*

Abeo, quo incipio prodierat, nunc primum
quibus purgata erroribus, qui varia-
rum licentia impressionū irreperant.

ASCANIO COLUMNÆ CARD.

IVLIVS CAESAR Stella dicanit.

BIBLIOTHECA NAZ.
ROMA
POTIORI EMANUELE.



ROMÆ, Ex Typographia Gabiana. 1595.

*Postea vero Perusia, Typis Aloysiorū 1619.
Facta à Superioribus potestate.*

ASCANIO COLVMNAE CARDINALI.

Iulius Cæsar Stella S. P. D.



EBEO tibi ASCANI Cardina-
lis Ampliff. quem ducem, atque
autorem habui ad audiendum P.
Io: Franciscum Carettonium. Nun-
quam memini maiore me cum vo-
luptate, ac lucro semihoram vllam
posuisse. Vibrabant profecto ful-
mina illa orationis concisæ, grauis
plenæ succi, consentanea temporis,
loco, personis. dicentis actio mo-
tum addere, sanguinemque verbis infundere videbatur: quæ
vtinam typis representari possent: haberemus orationem spi-
rantem, ardentem, animosque legentium pene ex corporibus
rapientem. Ego ne cupiditati tuæ deessem Princeps Illustriss.
cui me, meaue dedidi, dicam addixi omnia, ne Cardinales,
qui huius orationis videndæ maximo desiderio tenebantur,
spe, quam ex tuis verbis conceperant, fraudarem; suscepi non
consulto autore, ac facile, cum rescuerit, reclamaturus, laborẽ
hunc curandi, vt emitteretur in lucem: quod mihi quidem satis
commode cadit hoc tempore, quo ad Aloysium Carasam Soror-
is tuæ F. Dei gratia Sablonetæ Ducem, & Ostiliani Principẽ
ab illo honorifice, & peramanter inuitatus, à te iussus Nea-
polim abeo; vt in hoc discessu relinquam Amplitudini Tuę
mnemosinon aliquod mei. Tuũ verò nunc erit, vt mihi ab au-
tore veniam impetres, si, vt tibi placeam, cæterisque Cardina-
libus, ac doctis viris, hoc illi displiceam, cui æque aueo placere,
atque vniuersis. Vale ex Aedibus Idibus Maij M. D. XCV.

DE CHRISTI MORTE

ORATIO P. IO:FRANCISCI CARETTONII

Romani & Societate IESV.

Habita in Sacello Pontificio, die Parasceues Anno M. D. XCV.

RECONDITVM est, incomprehensum, & omni ex parte diuinum, P. B. sacrosanctum reparationis humanæ mysterium: cui nos hodierna luce, ne dicam hodiernis tenebris, persoluimus tributum annuū commiserationis, & lachrymarum. idcirco humana mens, dum se eius amplitudini parē intelligētiā, vel sensum asserre posse desperat; nō affert illū ipsum, quē potest, & in studio grati animi apparet ingrata. eandē ob causā si exoritur miseratio ex cognita calamitate hominis miseri calamitatē immerentis; nullū erit argumentū accommodatius ad hanc anniuersariam lamentationem; quā si breui, simplici que percurssione facti, planū fecero, Christū dominū fuisse, vt Isaias eū appellat propter excellentiam, VIRVM DOLORVM, quasi dolorū principem, Regem dolorum: hoc est inter mortales calamitosissimum: & eos innocentē subijisse corporis, animique cruciatus; quos ab vno homine perferri potuisse idcirco credimus; quia ipse pertulit. Quod enim, vt exordiar in hortis Gethsemani, erit illud opus, cuius sanguinea est vel idea? quale tam inauditum tormenti genus, quod eliciat sola cogitatione sanguinem: quod noua quadam ratione, nō animum per corpus, sed corpus vulneret per animum: quod eadem membris inferendam prius adumbret, & quasi experiatur in animo: quod antequam admoueat exanimet: & morte valentius; solum, nudumque hauriat. Christi cruorem, hauriat animum: quod mors efficere nunquam potuit, sine armis, sine cohorte. Architectum, habet infamem. Diabolum, Fabrum infamem, hospitem Satanz. Iudas magistro venalem in mercem exposito, negotium productione instituit, osculo perficit, amoris armis abusus: quippe qui nouerat gratum amanti cibum, eoque venenum occultat. sed re- cidit in eius caput, is paulo ante pectori pro intinēto pane, quasi tormentarium puluerem inclusisset, ei cuniculo facem applicuit, cum ori suo Christi faciem deosculandam admouit: neque ita multo post igne ad intestina perlato, multiplicatis in arcto flammis querentibus exitum, sublatu est in altum, & discerptus in partes: nactus carnificem nequissimum, laqueo se ipse suspendit, puit medius, & diffusa sunt omnia viscera eius. dignus plane,

cui non aqua tantum, & ignis; sed ipso communi spiritu, ipsa terra interdiceretur: quæ terra, vt dicitur non amplius recipere vitum serpentem, postquam pereussit hominem; ita neque spirantem ferre, neque extinctum attingere voluit hunc hominis, eiusdemque Dei proditorem. Christus vero nec vulnus, nec speciem quamuis insidiosam amoris auersatus, hostes admisit: quos, vt prosternere, sic protegere solo pronomine. *Ego sum.* quasi sola nominis vmbra potuisset. Illustris, quod potuerit: illustrior, quod noluerit. Ab his per varia tribunalia circumducitur, quando vnum capere tantam iniustitiam non poterat: neque inueniebat locum, vbi consisteret summa iniquitas, nisi forte apud Summum principem Sacerdotum, apud quem iustitiæ debuit esse principatus. Sistitur ante Caipham, ante hostem potius, quam ante iudicem: qui vt scelus artificiose contexat, vestimenta discindit: per quem reus prius coniectus in vincula, quam adesset errati suspicio; ante condemnatur, quam dicat causam: vbi dum accusator pro crimine affert mendacium, reus pro poena subit iniuriam: vbi tacere periculosum est, respondere criminofum: ex quo ad primam emissam vocem, diuinum vultum, sedem gloriæ furiali colapho impudentissima dexterâ ministri percussit. neque aruit. aruit fortasse, sed ad contactum vitæ reuixit: in præmium quod velle ad stigia osculi à proditore impressa deterferit. Vbi de quo mortem, non iudicium intentant; ideoque calumniam, non accusationem, adornant. Sed ipsa nocendi cupiditate profunt: nam testes dum multos producunt, nullum habent, quia testimonia conuenientia non erant. Perdere per vim apertam nolunt: vt ipsi insanire etiam in iudicio cognoscantur: & Christi supplicium, non magis membra dilaceret, quam dilaceret existimationem; quod meruisse, & iusta sententia inflictum esse videatur. Si testes nullos habetis, introducite Petrum. Præstolatur in atrio. eo testis locupletior erit, quo amiciores, munerum, gratiæ princeps: & negando contra Christum affirmat in primis: dum tantum pudere. se illius magistri demonstrat; vt iureiurando sibi neque cognitum esse confirmet. O Petre, hoc cine est solum amicum perseverantem esse? Tu, qui paulo ante deuorabas animo carcerem, crucem, mortem, persecutus es ad deferendum: vt quo fueras audacior; eo esses ceteris Apostolis nocentior: vt apud eminentiam illius confidentiæ huius pauoris recessus atrior apparet. Sed Dominus respexit Petrum, & fleuit amare. Icta Petra adamantinis Christi oculis guttas emittit: non scintillas. Conglaciauerat miser. idcirco caloris eger ad ignem illum perperam se calefaciebat is, cui radijs diuini opus

opus erat, ut liquaret concretum timiditatis gelu cor, funderet ex oculis amarum imbrem, ac timoris vulnera lachrymis, non infidelitate sanaret. Fuit igitur Christus dimittendus ad Pilatum, apud quem legum inanem, ambitionis plenum, magistratus Iudeorum, factus de iudice accusator, de accusatore testis, minore periculo, auctoritate maiore, more suo, non causæ cognitionem exposcat, sed crucem: de supplicio prius agat, quàm de scelere; reum, & reum tacentem, non crimine, sed multitudine; non testimonijs, sed clamoribus opprimat. Quid miraris? quid quæris aliam defensionem, Præses, ab eo, qui condemnationem habet in voto: supplicia numerat in beneficijs: qui iniuria eo se indigniorem ostendit, quo illam animo æquiore sustinet: pro quo declamat ipsum silentium, & probat innocentem tibi ipsi, ut Caiphæ, ut Herodi probavit. Ergo fuit tribus in foris innocentia Christi cognoscenda, ut tribus sententijs absolutus ferret supplicium? An potius ut sententijs illis, iudicum iniquitas condemnaretur: illis supplicijs peruersitas sinagogæ plecteretur? ipse Pilatus ter verbo Christum pronunciat innocentem, ac triplici facto eripere conatur ab iniuria. ut iustum ex vnguibus ferarum subducatur, seditiosum supponit, imbutum sanguine, homicidam, & populo fissitenti cruoris, cruorem propinat, sed ijs, quemadmodum oppresserunt innocentem, ita scelestum absoluunt: ut omnes iniustitiæ partes impleant. quia puri sanguinis effusione delectantur, Barabbam liberant, Christo obstrepunt, ut qui sceleratis par futurus erat in supplicio, iisdem inferior esset in iudicio. Quare Præses, ut sanet livorem Iudeorum, ut mittatur ab ijs sanguis invidiæ, Christo iubet aperiri venas, iustique quia iustus est, mandat hauriri cruorem, ut non hauriatur animus, ut vita servetur. Loco igitur criminis eluenda sanguine est innocentia. O scelus execrabile! nudatur Deus, nuda cospiciuntur membra illa candida, atque virginea. rubet sola pudore facies. Tunc sol in sui conditoris obsequium subducta luce velasset illum opinor tenebris; nisi ad novum spectaculum defixus in admiratione tam venerandi, atq; diuini corporis constitisset. quæ vox, quæ lachrymæ, qui sensus æquare poterit lictorum fœuitiam, furorem, rabiem: calamitosi rei tolerantiam, æquanimitem, mansuetudinem: plagarum dolorem, numerum, cruciatum? iam nusquam apparet livor, nusquam flagelli vestigium: ubique sanguis, ubique vulnera. nec unum vulnere ipsa dinumeres: quantus quantus est, vulnus unum, est. deficit plagis locus, plagæ non deficiunt: est plaga plagæ locus.

deficiunt lora, virgæ, flagella, tortoribus vires non deficiunt. iam & vires deficiunt, non deficit rabies. utq; fecit initium tundendi crudelitas; sic facit finē crudelitas. persuadet enim ut aliquid sanguinis, atque spiritus relinquatur ad mortem atrociolem. itaque crudeles in verberando, in parcendo crudeliores, non parcunt, ut cessent; sed cessant, ut ad crucem immanem referuent. si tamen illa cessatio dicenda est, in qua mutato potius, quam intermisso cruciatu; reum contumelijs acerbissimis dilacerant. in qua, ut cæteris, prætermis- sis, palmare unum attingam; diuinum illud caput, gymnasium sapiē- tię, regia honoris, honos glorię, omnibus infulis, thiaris, coronis augustius; illud inquam, ad ludibrium dicam, an ad cruciatum, ac ad vtrumque? spinea corona præcingitur, atque transfoditur. Di- cebam P. B. hunc Virum esse dolorum. iam verò si intendimus in eū oculos, non tantū virū; virū per excellentiam, principem dolorū sed vere dolorum regem esse cernemus. Rex dicitur a Pilato. appella- tus est a cohorte prætoria, quam audiuius dicentem. *Aue Rex Iudaorum.* sedet in purpura, in sceptro, in corona. hæc omnia re- gem significant. sed qualem regem? regem dolorum. Ludicra illa, & sordida purpura, arundineū sceptrum, salutationes, appella- tiones, in irrisiōnem fuerunt, atq; contemptum: corona vero, si pro varietate materię aurea, graminea, laurea, principatum quandam opum, virtutis, fortitudinis indicat; per spineam certē regem significabimus dolorum principem: & Rex dolorum non nisi spinea corona præcingendus fuisse iudicabitur. Perspexit Pilatus hoc regnum calamitatis affabre effictum esse, atque expressum manibus carnificum in Christi corpore: sperauitque fore, ut satisfaceret oculis Iudæorum huiusmodi cælaturę cupidis, ac peritis: quibus il- lum in bono lumine de superiore loco dedit in conspectum dicens. *Ecce Rex vester: Ecce Homo.* quasi vereatur, ne non agnoscant; ne simulacrum, vel hominem exanimem, aut spirans cadauer existimēt, sed non placuit. nam immanissimis immaniores, ne victi scientiæ crudelitatis, feritatis artificio videantur, desiderant aliquid, addū aliquid de suo. *Crucifige, Crucifige eum.* O flagrans, & penitu- insitum odium, ad quod inanis erit aqua. cum nihil sit alluione tanti sanguinis imminutum; restingui nisi diuino spiritu in illud et- flato non poterit. quid facit in tanto malo religiosus iudex, qui ne- fas ducit palmis immundis committere parricidium? manus lauat & occidit: dum iustum fatetur, & condemnat. *sciebat, quod per inui- diam tradidissent eum:* sed dum actor iudici timorem incutit; iudei. Cæsaris gratiam ambit; circumuenitur Deus in eo iudicio, in quo palam accusat inuidia, testificatur odium, crimen est innocentia corruptit

corrumpit timor,condemnat ambitio , plectit crudelitas . Illa , illa,
statim vt Pilatus Crīstum affigendum cruci. quid dicam? tradidit,
an duxit? nihil enim abest à scelere is , cuius tantummodo manus
abest . illa , inquam, statim semiuiuo, qui iam sibi ipse pondus erat,
imposuit immanem patibuli machinam , vt suam ipse mortem prius
ferret,quam inferretur : & qua cruce mox erat extollendus, eadem
prius opprimeretur . Hic ego in hoc extremo actu , & quasi capite
actionis, quando dignius pertractari , quam deficiendo , non potest,
libenter deficiam , sacros Euangelistas imitatus , qui summam rei
tanta breuitate perstrinxerunt; quanta sat erat ad non reticendum.
duplici verbo. *Crucifixerunt eum.* Quare non perpendam crucis
atrocitatem , adiunctorum acerbitatem , renouatos imbres sangui-
nis , consortium latronum , conspectum matris , voces plenissimas
mysterij, multiplicem crudelitatem militum , qui non tantum in ira,
sed etiam in obsequijs hostes , eo loco, eo tempore , ad sitim arden-
tissimam actum , atq; fel adhibuerunt : vt intelligeremus, quo pro-
grederentur in sc̃uendo iij, quorum misericordia est summa crude-
litas . In tanto agmine dolorum Christus Deus defunctus Patris im-
perio , nostræ salutis cupidus , prodigus suę inclinato capite . O vi-
rum egentissimum , qui diu quęsiuit , vbi caput suum reclinat , ne-
que inuenit locum molliorem ad quietem , quàm mortem . in eius
igitur gremio *inclinato capite tradidit spiritum* . O Angeli pacis ,
moritur Deus ? moritur Deus . non vox , non latera , nullum senten-
tiarum , verborumq; genus sustinere huius argumenti dignitatem
possunt . opus silentio, mentis contemplatione , excessu . quid ergo
afferam ? nihil præterea . moritur Deus , & moritur propter homi-
nem . intelligentia vestra perpendite, quàm multa duplici verbo cō-
plectar , cum dico , mori Deum , & mori propter hominem . addam
aliquid, si ita loqui fas est, admirabilius . Iesus Deus, in cuius nomi-
ne habitat salus, qui profuit plus vnus omnibus, quam omnes vn-
quā vni; qui nostram non modo causam, vt sponsor; nō modo perso-
nam , vt reus; sed vicariam quoq; mortem suscepit , vt nocens , oc-
ciditur propter hominem , & per hominem viuūt auctor parricidij
peccatum . O hominem non hominem , sed cordis plumbei , & ani-
mi ingratiissimi monstrum . obstupuit mens perstricta magnitudine
facti, an aures assidua commemoratione obduruerunt ? tradidit spi-
ritum Deus inclinato capite : vt eo tandem animaret iacentiū ter-
rarum orbem emortuum , atq; depositum : vt quoniam statuerat
nihil sibi reliquū facere , quod pro mortalibus non exponeret, cer-
uice in latus deflexa , secretum locum indicaret, ex quo ad primum
quasi certum , destinatumq; ictum exiit sanguis , & aqua : simul ac
serina

ferina rabie vnus militum lancea latus illud aperuit : cum enim tū Christi caritas, tum rabies inimicorū amplior esset, quā vt eas capere posset corporis viuētis imbecillitas; effundenda vtraq; fuit in cadauer : ex quo hinc Christus exaggeratam quandam patiendi cupiditatem ostendit; nam suscepit vulnera doloris, etiā cum dolorem vulnerum sentire non posset : hinc illi rabiem declararunt inauditam, dum effusa sēuitia in eum, in quo neque sēuitiæ locus, neq; sensus esset; sine fructu crudelitatis gustum crudelitatis habuerunt. Expalluit, contremuit, ac prope defecit natura ad huius carnicinæ conspectum. lacerauit iam superuacaneum velum templi, quando turpiter velatam faciem templi viderat, quando tēpli corpus nudatum, atque discissum conspiciebat. maius obsequium in cadaueribus inuentura, quā in viuētibus, mortuos exciuit ē tumulis, vt obuiam Deo morienti procederent. obduxit soli tenebras, vt parricidis ipso cælo, ipso conspectu lucis interdiceret. oppressisset coniectione saxorum, iam se sponte frangentium, & agitantium in vindictam, vel obruisset terræ se commouentis, neque hos homicidas ferentis hiatu: nisi vocem illam extremam audiuisset, qua Christus malis hominum grauius affectus, quā suis prope testamento cauit, vt ignosceretur. Iam vero, ò vir, ò Rex dolorum, de regno tuo dubitatio nulla relinquitur. Regnas in regia Caluarij, in throno crucis, in purpura tui sanguinis, cum scepro clauorum, cum corona spinea, ipsumq; regni titulum præfers. *Rex Iudeorum*, idest Rex ciuim iniurissimorum, idest Rex hostium immanissimorum. circumfluunt loco assecularum accusatores, loco satellitū latrones, loco cohortis carnifices. isthic, isthic. tāquā in tuo regno, in omni regia pompa, regioq; apparatu triumphas. habes pro bellarijs fel, pro odoribus fætores, pro fæltis ignibus tenebras, pro symphonia blasphemias, pro choreis terræmotum, pro peristromatis, parsiue floribus ossa cadauerum, pro bulla pendente ē monili, plagam luculentam pectoris. Tale regnum, talem regem decebat esse dolosum. Vtinam intelligamus, quales nos deceat esse sub tali Rege, in tali Regno.

L A V S D E O.

